

寶領教濟度金書卷之一百七十

垂一



御製

天地定位 陰陽協和 星辰順度 日月昭明
 寒暑應候 雨暘以時 山嶽靖謐 河海澄清
 草木蕃庶 魚鼈咸若 家和戶寧 衣食充足
 禮讓興行 教化修明 風俗敦厚 刑罰不用
 華夏歸仁 四夷賓服 邦國鞏固 宗社尊安
 景運隆長 本支萬世 正統十年十月十一日

靈寶領教濟度金書卷之一百七十 垂一

洞微高士開光救苦真人寧全真授

靈寶通玄弘教水南先生林靈真編

科儀立成品預修黃錄齋用

預修黃錄謝恩醮儀

步虛 燒香頌

各禮師存念如法

衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡字錄帝房乘飈散景飛騰太空
出入冥無遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

无上三天玄元始三炁太上老君召出臣身

垂一

中三五功曹左右官使者侍香金童傳言玉
女五帝直符直日香官各三十二人出出者
嚴裝闕啓玄壇天帝神君當召此間土地里
域真官正神急上闕啓臣今奉為入意以今
設醮行道願得

玉清道炁靈寶妙光下降流入臣等身中即
使玄壇清淨內外成真天无氛穢地絕妖塵
琳琅振響十方肅清萬魔不干真誠上徹令
臣所啓速達徑御

太上无極大道至真玉皇上帝御前

請稱法位

具位奉行生身受度預修黃籙謝恩清醮法
事小兆臣某與臨壇官衆等謹同誠上啓
太上无極大道虛无自然元始天尊妙无上
帝虛皇玉晨大道君妙有上帝萬變混沌玄

元老君至真大帝玉皇大天尊玄穹高上帝
紫微中天北極大帝勾陳上宮天皇大帝高
上神霄玉清真王長生大帝東極青華大帝
后土皇地祇十方靈寶天尊九天生神上帝
三十二天上帝五靈五老上帝東華上相木
公青童道君西靈太妙夜光金真聖母元君
上清十一曜上真道君南辰六闕上真道君
北極九府上真道君二十八宿星君泰玄樞
機三省諸相天君三元三官帝君北極四聖
真君玄中大法師三天大法師靈寶經籍度

三師真君九天諸司真君天曹諸司真君十方無極飛天神王五天三界八魔王三天門下道化護正定志真君三天門下上章詞表靈官三洞三乘經錄法中上聖高真神仙將吏五嶽五帝真君五天聖帝北陰酆都玄天大帝東霞扶桑丹林大帝洞天福地靖廬治化仙官本靖祖玄真師列位真人經籍度師列位真人城隍社令土地主執三界官屬一切真靈臣聞三寶開光散太無之梵炁千靈拱極敷妙有之元精垂象錯落於青霄流形

陸離於黃混道貫一元之表粹妙生神人爲
萬物之靈冲和稟命玉宇彰而飛浮渺渺金
書煥而蔭覆玄玄妙矣神機大哉聖化凡屬
範圍之內悉歸陶冶之中有感斯通無澤不
被今齋主某一心疏瀹百體澄虛敷黃籙於
預修欣承帝澤按玄圖而受慶喜拜靈棋庸
攄采藻之誠恪露傾葵之敬伏望靈光焯焯
神景輝華雲路風清迓玲瓏之羽葆霄衢霞
爍移縹緲之旌幢混丹輿綠輦以駉陪會羽
蓋瓊輪而翼從玄龍上下朱鳳後先俯迓降

於玄壇仰曲矜於丹禱臣下情無任之至謹
稽首再拜奏請

請聖

三界衆真醮筵列聖適伸拜請諒沐光臨請
各整於仙班共祗迎於

帝馭

降九位

鸞輿至止鶴駕臨軒與醮衆真如儀朝禮朝
禮既周請陞醮席齋主上香設拜初進酒

初獻

重稱法位

具位臣某謹重誠上啓

三清上聖十極高真玄穹之尊帝真靈方厚
之神祇主執醮筵內外一切威靈臣聞金闕
穆清擁神光而鬱勃玉京邃漠煥靈景以彌
羅蕭臺凝七寶之輝妙庭貫三華之彩玉林
煒燁耀流日而朱實離離騫樹琳琅鼓靈風
而翠葩奕奕雲霞離合日月旋飛結紫炁以
成宮流絳霞而作蓋九光迴運中凝浩劫之
尊萬炁歲蕤上拱虛无之聖五靈洞煥八景

流明无形无名雖混真精而獨運有滋有象
常孚妙炁以同流慈風披九地之遙法雨潤
八荒之大至化所化自然而然惟昭作善之
符斯契降祥之應臣等玄樞快覩道紀親參
莫超近以回靈尚棲遲而混俗憲天弘道誓
殫金石之誠佐國立功敢叛丹青之信况奉
詞旨所合闕聞

宣詞

按如詞旨備殫衷素今齋主某省躬改過勵
志析思念稟炁太无常逐化機而展轉致流

形妙有每隨業網以經營百年彈指於駒窓
萬劫驚心於蟻磨匪析洪貺曷副丹衷若稽
度命之經書爰按升神之簡策壇崇虛梵笈
啓玄虛壁奠五靈露寸天而玉立繒羅十極
借尺地以球鳴殫肘行膝步之恭罄目逝心
馳之敬龍符耀景佩三洞之瓊文鳳戒流華
膺九真之琅訓內超玄祖外拯冤仇開方來
福慶之期巍巍神力廓見在愆瑕之會赫赫
威靈蒙曲鑒於蟻忱荷直頌於鴻澤九朝禮
鑿星拱北而齋福周圓一念仁充水東流而

宸釐覆蔭允拜玉成之造敢忘金潔之忱黍
稷非馨誠僭殫於萬一芻蕘可采詞敢罄於
再三伏願聽卑不遺臨下有赫流洪恩於惠
露迨玄憲於飛霆俯鑒享帝之筵曲御事天
之墀瓊章神變舞翠掌以流金瑤笈飛玄燦
垂一珠簫而耀玉風葆舞天花之影雲笙奏鈞樂
五之音杳靄霏烟散乾坤之瑞色籠葱寶霧煥
經緯之靈輝混萬聖以時歆羅千真而日鑒
臣下情無任不勝虔祝之至

亞獻

重稱法位

具位臣某謹同誠上啓

三清上聖十極高真玄穹之尊帝真靈方厚
之神祇主執醮筵內外一切威靈臣聞八威
龍文微妙發天光之瑞九霄鳳炁希夷騰聖
彩之祥彰經緯而空碧凝真運雌雄而玄丹
混景英元潛拱胤三素之霏烟儀璘傍招挹
五華之寶曜內飛騰於神景外辟斥於魔靈
九夜幽寥乘晨輝而啓旦五靈陰翳飛朝景
以開春孰非元始之金光普煥靈虛之絳彩

教分三洞羅敷祖炁之玄道貫一乘洞煥神
功之粹天人共仰今古咸宗今齋主某籲天
激切扣地勤渠劬履趨朝幸罄由中之禱筮
邊設席重殫事上之忱伏願淵聽昭回慈觀
寂感煥金雞於閭闔歷關諸天飛丹鳳於鬱

羅普告三界勅北單風澤之境勒東岱日觀
之區黑簡削名尸累風晞於朝露青編紀字
冤愆雲散於秋蟾開丹火以登圖宣朱陵而
移籍五福天錫此生之步武高華十善日躋
他世之精神逸邁運應歸於滅度魂即證於

超凌與道合真不經幽暗隨劫受化常觀光
明蒙旌絲粟之芹允拜嵩瀛之造更願松蘿
有耀蓬華生輝七葉連榮濟世耀堆床之芻
五枝挺秀傳家華挿架之籤香凝澗藻以生
春祥擁棠椿而不夜萃歡聲於院宇來喜炁
於家庭道日開明玄風披拂臣等鴛班綴武
猊座承顏威儀自然慮觸四司之霜簡存念
如法懼書五帝之風章惟三省以冰兢極九
思而芒負曾希涵育實戴生成上願七部流
華三乘凝妙乾樞清晏坤軸澄寧風雨均調

煥寶光於七緯山川靜謐凝瑞氣於百昌萃
耕田鑿井之歡遂戾天躍淵之樂螟蝗遁影
疵癘潛蹤幽壑神僚詣朱宮而校績冥關靈
識登青府以朝真凡居陰暗之鄉均陟陽明
之界蒼蒼正色莫殫庸敬以神交渺渺大羅
冀鑒克誠而罔合格陳三獻廣罄千勤臣下
情無任不勝懇禱之至

終獻

重稱法位

具位臣某謹重誠上啓

三清上聖十極高真玄穹之尊帝真靈方厚
之神祇主執醮筵內外一切威靈臣聞旋無
色凝無淵函圓方而明照親有德享有道貫
幽顯以流營藉皇極之莪莪沛洪恩之蕩蕩
光明潛下願旌几奏之勤恍惚質旁諒雪階

垂一

七

升之瀆玉成有賴錦覆無垠以今薦獻誠周
對揚禮畢蓮炬暗龍缸之燼蘭烟消鳳鼎之
華壁磬聲沉瓊鐘韻冷前瞻翠節將返景以
璇霄後矚朱幢行迴光於瑤極月駟逶迤而
旁邁雲龍搖曳以高征三界旋班諸天復位

運元會道百神混合於泥丸入妙凝真萬炁
虛圓於玄牝臣躬辭聖陞迹履塵關三沐三
熏莫躋攀於法從再瞻再諾惟遊泳於恩波
臣下情無任不勝激切攀戀之至再拜奉送
存神燒香

香官使者左右龍虎君侍香諸靈官當令臣
設醮之所自然生金液丹碧芝英百靈衆真
交會在此香火爐前令臣學道得道求仙得
仙齋官獲福幽顯沾恩十方仙童玉女侍衛
蘭煙傳臣向來所啓速達逕御

太上无極大道至真玉皇上帝御前

回輶頌

回輶五雲輿

騰駕九章歌

倏忽冲天遠

雕壇香氣多

玄恩覃宇宙

福祿遍山河

緬想神仙路

逍遙上大羅

送聖

靈寶領教濟度金書卷之一百七十 共廿

